

Takwane - Muneba Mukoddoni Maleba Ootaleleya - SW Intro Scriptures

Luka 17:5 Vano arumiwi yahimwiirelaga Nabwiya: <<Muneenjhedhe nrromelo neehu!>>

ARoma 10:17 Mowindo, ororomela onadheela mwaha wowiiwa mutheenga, wiiwa onadheela mwa madhu enawoga dha Kirixtu.

Luka 11:1 Nlabo nimohi Yesu egi olobela mburo mmoheene. Agamarihile, namasuuzza mmohi ahimulobaga, wiira: <<Nabwiyani, munisuuzihe olobela wona Zhuwawu asuuzihile anamasuuzza aaye>>.

1 Timoteyo Owambeela 2:1-4 Vowambeela wa malamulo ala maatene ginowuulobani wi voolobela okalege malobelo oolobeledana ni waalobeleda athu, vamohi ni matthettheelo. Elobeleliwege athu aatene. 2 Mwaalobelege mamwene ni aatene alene eli ni othongi wi nikale ni egumi yoopwaasa ni yamurenddele, nimuthithimihege Mulugu mwa dhaatedhene ni oriihedha. 3 Nda sapama ni dhooagalasa vameentoni va Mulugu, Mvulumusi eehu. 4 Oliye onafuna athu aatene evulumuwe, enone ebaribari.

Luka 22:31 Teto Yesu ahiwogaga, wiira: <<Simawu, Simawu, woone, Sathana ohuwwaddihedha wi oveetheni wona tirigu.

Zechariah 3:1,2 - Zhuda 1:9 Naari Migeli, musogoleli a angero, keerilena ndo, akanganaga ni Sathana mwaha woothukula muruthu wa Mozezi, oliye kaaxixile omwaakula Sathana ni madhu oomunyemula, mbwenye eerile ayi: <<Nabwiya oohiihe!>>

AEfeso 6:12 Vowi koddo yeehu kannawana ni athu, mbwenye nnawanana mineba dha okumbasa, nnawanana mineba dha manyaga, nnawanana mineba dha okwiri ni mineba dhaatedhene dhabure dhimohi dha vati ni odhulu. Sinawaniihuna sinalamula elabo ela ya yiihi.

AEfeso 6:10,11 Voomariha ginowuwaaddelani nda: Mukale ooliba mwa muneba, mwa kopolo dhuulubale dha Nabwiya. 11 Muware yeela dha koddo Mulugu dhinoovahiyeeni wi mulibe, mvaanyege dhoonyengetha dha Sathana.

AEfeso 6:13-17 Mwaha wa ela muware yeela dha koddo ya Mulugu. Mwawara yeela nda, nadha nifiya nlabo na owana ni kopolo dhootakala, munoodha mugonjihe koddo ya mwiiddani. Mugagonjihile dhaatedhene, munokala ooliba, oohuthikeya, kamunaathawe. 14 Mowindo mwiisasanyedhe muwane! Mmagele sintu na ebaribari mmwiinuni. Muware omurimani yowiithithihedhana yowaakwanela. 15 Muware wona sathatho, ofuna olaleya Muselu Wapama wa murenddele. 16 Mweeddegenaave yowiithithihedhana ya nrromelo, eyene enathimiha mathere enahidda munddo waatene wa Nambure. 17 Mmuware kapaseti oli ovulumusiwa. Mwihiddeele supaadda na Muneba Woweela, eli madhu a Mulugu.

AHeberi 4:12 Mwiiwe, madhu a Mulugu ehikanna egumi, ehikanna owodha,

bowiirwa vajinji okwaranya masupaadda maatene owiirwa wula-ni-wula; madhu ala enolata ofiyedha ogawa egumi ni munebiiwa, ogawa makuva ni ogoogo wa mmakuvani, enowooneyiha moobuwelelo ni dhoofuna dha murima.

Luka 4:8 Yesu ahimwaakulaga, wiira: <<Maleba Ootaleleya yiire:

<Omweebedhege Nabwiya Mulugu aawo, omwiimelelege oliyeeneve, baahi>>.

AEfeso 6:18 Mwiiregena dhaatedhene dhedho mulobaga okamihedhiwa ni Mulugu, mulobelege mwa Muneba. Muwaraale. Kamugome. Mulobelegeve mulogo waatene wa Mulugu.

1 Samuweli Owambeela 17:45-47 - Davidi & Goliath

Luka 10:17-20 Vano anamasuuzza makumi matanu ni meenddi ni abiili ale yahiwelaga ni ohagalala wuulubale; yiiraga: <<Nabwiyani, mwa ndina neenyu mineba dhabure dhihifiyedha oniiwelela!>> 18 Mbwenye oliye ahawiirela: <<Miyo gihimoona Sathana amoraga odhulu wona ozherima. 19 Onani miyo guhuuvahani owodha woonyingalana nyowa, awalize ni owodha waatewene wa mwiiddani mowindo kilivo enoovoreyegeni. 20 Mwa dhaatedhene kamuhagalale mwaha wowi mineba dhabure dhinowuwiiwelelani, mbwenye muhagalale vowi mandina eenyu ehilebiwa odhulu>>.

2 AKorintu a Nabiili 10:3-5 Naari nikalagave mwa omuthu, kannawana mwa omuthu. 4 Vowi yeela dhinalabiihuna mukoddoni mweehu kahuwo dha omuthu. Moohiyaniha, yeela ndo dhihikalana owodha wa Mulugu woobwanyulana kaambura dhoolibihiwa ni moobuwelo eebeweene. 5 Nihibwanyula wiithukulela waatewene wa omuthu, wewo onaahiiha athu wi emunone Mulugu. Nimage moobuwelo maatene a omuthu, niirihaga wi ekale omwiiwelela Kirixtu.

Matewuzhi 16:19 Ginowuuvaha macavi a Omwene wa Odhulu; we dhineeriiwe omagege elabo ya vati, dhineerege omagiwa odhulu; we dhineeriiwe otapulege elabo ya vati, dhineerege otapuliwa odhulu>>.

2 Timoteyo a Nabiili 1:7 Vowi Muneba onivahile Mulugu kunadhiiha woova, mbwenye onavaha kopolo, odhivela ni owaraala.

Matewuzhi 12:28,29 Mbwenye akala miyo gineegara mineba dhootakala ni Muneba wa Mulugu, ndo dhinooniha wi Omwene wa Mulugu ohufiya wa nyo. 29 <<Dhinaandeya addi muthu ovolowa nyuba ya mmohi akopolo wi amwiiyele dhookalana dhaaye ahaabihile ommaga? Oliye agamalile ommaga muthu ole akopolo finaandiiye wiiya vaade vale.

AEfeso 1:13 Mwa Kirixtu, nyoovo mugeewile madhu eli ebaribari, (Muselu Wapama wa ovulumusiwa weenyu,) varumeedhiliinyu mwa oliye, muhuheliwa etoonyihedho yoohuthima ya Muneba Woweela waroromelihiwe.

Meerelo a Arumiwi 19:6 Vano Pawulo agaahelile madada Muneba Woweela wahaadheela; aliwa wambeela owoga dhiwogelo ni ovuwiha mutheenga wa Mulugu.

Maruku 16:15-18 Oliye ahawaaddelaga, wiira: <<Mmwadheyele mwiilaboni mwaatemwene, mwalaleyege Muselu Wapama wa athu aatene. 16 Muthu di

muthu onaaromele vano abathiziwa onovulumusiwa, mbwenye ole ohunaaromele onokoneya. 17 Dhi dhinaakale dhitoonyihedho wa ale enaroromela: aliwa eneerege wiigara mineba dhootakala mu ndina naaga teto eneerege owoga dhiwogelo dhimohi; 18 aliwa yahidda nyowa ni madada naari yang'wa ndibwi, kinaapadduwelege yabure; aliwa eneerege waahela madada eewa aredda, vano areddaya eneerege oyila>>.

1 Zhuwawu Owambeela 1:9 Neera nirumeedha, nisoriha dhoothega dheehu, oliye doororomeleya ni owogoowa, oneere onilevelela dhoothega dheehu, anihuwaga mwa dhohogoowa dheehu dhaatedhene.

Okuma 20:5 Ohukokorelege dhedho naari weebedha; vowi miyo gili Nabwiya, Mulugu aawo, Mulugu ahaje. Ginowawooniha goyi ayene enagithegela ofiyedha wa ahima, a aniiwa teto ni aniiwa.

MaSaalimu 109:17 - Tiya 3:10 Ni mulomo mmohive nnowogana madhu enavaha mareeliho teto nnowogana madhu oodduba. Amudhaaga, nda kadhikalege ndo.

Zhuwize - Anamathonga 16:16 - 2 Peduru a Nabiili 2:7,8 Oliye ahimvulumusa Lothi, muthu owogoowa arabula mmurimani ni meeddelo abure yeerana athu a mudhidhi olene. 8 (Mudhidhi waatene wakaliye ni aliwa, muthu owogoowa ola owoopopiheya mmurimani mwaaye mwaha wa dhabure dhooniye eewaga.)

AEfeso 4:26 Mwatakaleliwa, kamuthege. Kamfiyedhege nduwa odhowa mugali ootakaleliweene.

ARoma 14:12 Mowindo kadda muthu vaari va hiyo onoodha aakulelege yeeka wa Mulugu dhaatedhene dheeriliye.

1 Zhuwawu Owambeela 2:23 Ole onamukoodda Mwaana a Mulugu kali mwa Babiihu. Ole onamusoriha Mwaana a Mulugu oli mwa Babiihu.

Zhuwawu 14:6 Yesu ahimwaakulaga, wiira: <<Miyo gili dilaya teto gili ebaribari ni egumi. Kalivo onadhowa wa Baabi ahivirile wa miyo.

Matewuzhi 11:28-30 <<Dhaani wa miyo, nyo mwaatene oogoma ni oonyemeliwa sapo, vowi miyo ginowuuvahani ovuma. 29 Mwiireye sapo yaaga, musuuzi wa miyo, mwaha wi gili ookurumuwa ni owiyeviha murima; vano munoofwanya ovuma wa mineba dheenyu. 30 Vowi nipiddi naaga kannarusa, vano sapo yaaga soovevuwa>>.

2 AKorintu a Nabiili 6:2 Vowi oliye wiire: <<Ogafiyile mudhidhi wofwanelela, gahuwiiwa; va nlabo na ovulumusiwa, gahuukamihedha>>. Ginowaaddela wi dhiinova ola bu mudhidhi wofwanelela, nihifiya nlabo noovulumusiwa.

ARoma 10:13 Dhili wona madhu a Mulugu munawogeliwa, yiiraga: <<Kadda muthu onamweebedha Nabwiya onoodha avulumusiwe>>.